

# 「連登仔」煽掛台獨旗涉違國安法

## 政法界促執法部門清拆 拘捕違法者

香港多區近日頻繁出現「台獨」旗及宣傳橫額，部分被食環署即時拆除。有「連登仔」就發起「舉旗貼旗大行動」，號召於今日大規模張貼「台獨」旗和宣傳品，更企圖藉機鼓吹「港獨」。多名香港政法界人士昨日接受香港文匯報記者訪問時，批評該行為已涉嫌違反香港國安法，要求食環署、警方等部門通力配合，第一時間清除相關宣傳品並進行調查，並將違法分子繩之以法。

香港文匯報記者 杜思文



「連登仔」召集「貼紙師」和「舉旗師」，張貼「台獨」宣傳品及舉「台獨」旗。

網上截圖



「連登仔」亦為「黃店」宣傳。

網上圖片

「連登仔」「我是垃圾啊啊」日前就在「連登」發帖，召集「貼紙師」和「舉旗師」，張貼「台獨」宣傳品及舉「台獨」旗；「召喚」「金魔法師」，為「黃店」挖金，聲稱此舉不僅「低成本」，更能鼓舞「手足」的士氣，希望有一天能夠慶祝「香港國慶」云云。

### 陳勇籲市民舉報助調查

港區全國人大代表陳勇說，世界上所有國家都會嚴懲分裂國土的行為，香港國安法已經生效，呼籲任何人都不要聽信這些「召喚」，去張貼「台獨」旗幟或文宣，否則只是被當作炮灰。

他指出，此前食環署很快清走國慶期間掛起的國旗，相信食環署絕對有能力快速清除今日可能出現的「台獨」宣傳品，並建議食環署在各區增加巡查，市民如果看到這些文宣亦要及時舉報和報案，以便食環署更快清理，警方也要跟進調查，以最快速度將分裂國家的人繩之以法。

### 陳曼琪指涉分裂國家罪

港區全國人大代表陳曼琪強調，香港國安法已正式實施，香港國安法第二十條規定，任何人組織、策劃、實施或者參與實施，旨在將香港特別行政區或者中華人民共和國其他任何部分從中華人民共和國分離出去的行為，不論是否使用武力或者以武力相威脅，即屬犯罪。

她強調，台灣是中國的一部分，任何組織、策劃、實施或參與實施，以及煽動、教唆或資助他人，進行將台灣脫離中國的行為，無論用怎樣的行為掩飾，即涉嫌分裂國家罪。香港有維護國家安全的法律責任和憲制責任，因此特區政府的所有部門都應該全力阻止違法事件。

### 王國興批煽「獨」禍港

工聯會前立法會議員王國興批「連登仔」完全是在鼓吹「港獨」和「台獨」，更公然挑戰香港國安法，在香港搞「兩個中國」、「一中一台」，該「行動」完全不合法，特區政府相關部門，包括警方國安處、食環署、路政署、地政處、民政處等，必須馬上行動，立即禁止這些張貼「台獨」宣傳品的行為，拘捕和檢控犯罪份子，絕對不能任其橫行。

香港文匯報昨日向食環署查詢有無應對今日或出現大批「台獨」宣傳品的預案，唯至昨晚截稿前仍未獲回覆。

## 淘寶杯當港貨賣「黃圈」三倍價掠水

香港文匯報訊（記者 杜思文）點解有人話「黃色經濟圈」係「救生圈」？梗係因為容易呢到錢啦，就算「掛羊頭賣狗肉」，都會有「黃絲」盲目咁埋單。facebook專頁「輔仁媒體」就轉發咗「香港波特王」嘅帖子，踢爆facebook「黃絲」網民「Coffee Potter」長期兜售50款一隻嘅「定製咖啡杯」，極似淘寶訂購，淘寶唔只有諸多相似賣家，「Coffee Potter」送

出嘅速遞，亦係用內地公司順豐嘅包裝袋。「Coffee Potter」嘅「定製咖啡杯」以「人手製作、香港製造」為噱頭，杯上嘅字往往與「抗爭」、「五大訴求」有關，但亦經常貼出「定製咖啡杯」同黑暴文宣擺埋一起嘅相片，將成個杯包裝成「極黃」風格吸引眼珠。

### 用內地速遞公司惹質疑

不過，「香港波特王」就話，佢有個鍾意咖啡嘅朋友曾向「Coffee Potter」訂咗寫住「×沖」嘅咖啡杯，但佢交貨時，「Coffee Potter」要買杯條友話「唔用順豐」，而要用「黃絲圈」運輸公司送貨，再去自提點收貨，但收到嘅速遞就係用順豐速遞嘅袋包住。「Coffee Potter」仲要人記得post相幫手宣傳。

「香港波特王」又話，另外一友人就想喺內地購物網站淘寶上，幫佢搵下有無類似定製咖啡杯嘅嘢，點知竟然搵到同款，而且最平係16人仔一隻，一隻即可定做，仲包郵。而「Coffee Potter」嘅售價幾乎比淘寶貴三倍。「香港波特王」嘲諷「Coffee Potter」話：「駛（使）唔駛（使）咁掛羊頭賣狗肉。」

睇嚟「Coffee Potter」話個杯係係「香港製造」，好大機會係講大話。但「Coffee Potter」一於少理，唔日仲俾facebook發帖「澄清」，話用順豐袋係因為「免費」，再用「黃絲」運輸公司寄，實屬「諸葛亮草船借箭」。又話「香港波特王」啲料完全唔可信，質問佢咩居心。

即使「Coffee Potter」個論述咁牽強，但唔少「黃絲」網民竟然買賬，仲話要繼續「懲罰」佢，唔呢佢仲要呢邊個呀！



「Coffee Potter」寸「香港波特王」放流料，質問佢咩居心。fb截圖



淘寶有售賣類似款式的定製杯。fb截圖


## 誣警設局捉12逃犯「黃絲」圖轉移視線

### 網民點睇「設局論」

唔知係咪搵唔到藉口幫12逃犯甩身，一眾「黃絲」於是又「被迫害妄想症」上身，聲稱12逃犯係香港警方所設嘅局，同內地合謀「設局送中」云云。不過，呢啲咁低智嘅說法即刻被唔少人批評係轉移視線，話佢地如果唔識逃，何來有「局」？所謂「同路人」、「輔仁媒體」總編輯容樂其（「容總」）亦喺facebook發帖駁笑「12港人關注組」，話佢地嘅文宣好似有身心障礙咁，形容「以為去左（咗）庇護工場」，又勸喻「黃絲」做人要有骨氣，衰咗就要認，唔好亂搵藉口。

明知12逃犯有錯，但「黃絲」為咗所謂「信念」都要夾硬幫佢地搵藉口甩身。之前屈廣東海警嘅香港水域拉人，結果無證無據，講到有人信。一計不成，「12港人關注組」、「蘋果日報」同前「香港眾志」秘書長黃之鋒就夾硬攻擊飛行服隊。

佢地話，根據「政府消息」透露，警方喺當日凌晨急召飛行服隊協助，先後派出定翼機「B-LVB」同獵豹直升機「B-LVH」，由3,000呎高空「監視」12名逃犯乘坐嘅快艇由西貢布袋澳駛至公海，並且確認快艇被廣東海警拘捕後才回航，仲係香港警方「設局」將12名逃犯送到廣東海警手上。呢啲企圖轉移視線嘅低智嘅說法就即刻被所謂「同路人」攻擊。容樂其特登發帖諷刺



容樂其諷刺「黃絲」無骨氣。fb截圖

佢地話：「睇『黃絲』文宣真係以為去左（咗）庇護工場」，即形容佢地有身心障礙。

### 「容總」揶揄「衰咗要認」

佢質疑，偷渡係12個逃犯自己做嘅，唔賴得人，「船係你自己揸，去邊你地（咗）自己想，然後話人地（咗）設局，我只係想知打仗唔係咁打應該點打？俾啲骨氣睇下，打輸被人俘虜一係引頸一係求饒。」

香港文匯報記者 郭家好

政客L：轉移視線真係有一手……咁設局真係笑死人，寫黎（嚟）寫去都係監察咋嘞。船係你嘅，又係你自己揸嘅，有咁你嘞。……你唔係犯法，你唔揸隻船入內地水域，人地（咗）都拉你唔到架（嚟）。唔通你超速俾人告，就賴人地（咗）裝白鴿籠咩？

S.Y. Wong：佢地（咗）想賴嘅乜？想賴警察同飛行服隊未有有效阻止佢地（咗）犯法偷渡？

Hing Yau：12個人都有案件在身，法庭頒布不可以離開香港，你們犯法潛逃被捉，怪得邊個呀！

Linda Yip：12叛徒自願「送中」的，請問與特區政府有什麼關連？

Kiki Chan：你地唔去逃跑，冇人可以捉拿你任何一個人，自己做犯法野（嘢），自己承擔！話唔到入啦！

Vera Kwok：十二潛徒在香港水域釣魚，冇犯法嗎，不能拘捕的。釣魚船越過了香港水域更加

沒有拘捕權利啦！所以香港政府在兩個水域都不能拘捕他們。對腳生嘅自己到（度），自己「送中」，怨得誰呢！

Pat Yau：點解唔好好問12瞞（瞞）逃，點解會出海釣魚……做乜要過人地（內地）邊境，如果人地真係設局，點解你會俾（界）機會別人！

Jim Lee：乜係香港警察用鎗（槍）指住，迫佢地（咗）出海嗎？不如你話法官設計放班暴徒出來，有心讓佢（他）們自投羅（網）把啦！

Michael Wu：應該先追究法庭點解俾（界）佢地俾釋？一定係法官設局就佢地！

Tao Heungsin：明明就係個官親手「送中」，唔比（界）保釋咪唔會搞到d（咗）手足有機會着草走去台灣啦。要懶（賴）既（嘅）唔該懶（賴）落個法官到啦。

Chi Chung Wong：屈唔到中國水警入香港捉人，而（嘅）家又想屈第二樣。

## 眼紅「Lunch仔」扮大佬「黑魔群」割席食相醜



攪炒派不斷爭風吃醋，為攪光環食人血饅頭而互相攻擊。「Lunch仔」李國永（David仔）被指出賣「手足」，甚至性騷擾女「手足」，仍獲不少「黃絲」支持，食盡人血饅頭，其他冇份食嘞啲就梗係睇唔過眼啦。近20個黑魔經營嘅TG群組昨日就發表「割席聲明」，爆晒粗閩佢「膠化抗爭」仲要扮大佬嘞。不過，有「黃絲」就批評呢啲TG群組又係扮大佬，大家都係超級無敵雙門人，打和啦Super。

### 質疑肥黎操盤搶主導

唔少人估計，一手由壹傳媒老闆黎智英捧起嘅前「香港眾志」秘書長黃之鋒，嘅紅咗之後越來越唔聽佢枝筒，所以肥黎最近就猛捧「Lunch仔」李國永。不過，咁做就激起其他「勇武」不滿囉：一批黑魔TG群組，包括「香港軍事台」、「和你養」、「一個人的流亡生活」、「香港民族獨立運動資訊平台」、「北區哨兵及資訊站」、「香港魔法研究學院」、「流亡手足心事台」等近20個TG群組，就發出所謂「割席聲明」。

佢地聲明中狂數李國永嘅罪狀，包括嘅「周梓樂祭壇前玩汽水×狗，對死者極不尊重」、「性騷擾女手足，將自己條J send俾（界）人睇」、「膠化抗爭，用佢所謂嘅藝術同埋活動令到『運動』成為一場笑話」、「自稱全港最成功勇武，開咗個全港最大勇武公海，嘅裏面自以為指揮，幫人安排職位同埋更表」、「大搞個人崇拜，成立左（咗）一個星級團隊」等等。

網民「鄺永康」就留言揶揄：「呢個情況捧紅，明顯係肥黎指示人捧紅David甚至籌組班底，制衡芝苒哥（黃之鋒）一眾餘黨。」「Fifi Brown」就說：「毒果捧嘅David仔，恐怕係食水太深兼太霸道，黃絲內閣（訂）。好睇！」

### 網民寸篤灰友扮抗爭

不過，網民「Alan Tsang」就炮轟呢班發表「割席聲明」嘅「自己友」：「果（嗰）班味篤灰友，扮乜抗爭呀？軍事台個垃圾扮女人呢課金，幫啲篤灰友兒人又點計先？仲有北哨都出晒名×街架（嚟）啦，成日篤灰無咗啲啲啲細路擺上網講是非。」

其實，大家都係搵食嘅，不如誠實實實，話要同「Lunch仔」五五分賬囉，何必扮晒「正義」呢？

## 乳鴿夥警宣滅罪 跪低乞和激進派

攪炒派區議員成日靠抹黑警察去維護支持度，搞到（嘅）家騎虎難下。民主黨九龍城區議員馬希鵬，日前被揭場同警方攜手落區做防止罪案宣傳，都被自己友擺上台，話佢地黨「出賣香港」。街坊安危顯然不及選票有吸引力，馬希鵬好快就喺facebook發帖跪低，仲好諂媚咁認衰自己做呢啲宣傳，係「政治敏感度不足」。原來喺「黃」區議員心目中，搞所謂「政治」真係重要過防止罪案嗎？

話：「民主黨區議員馬希鵬同班差佬响（嘅）土瓜灣一齊派宣傳品，大家睇圖就知場面幾咁和諧！」仲Hashtag（標籤）「民主黨MY（實）香港」。警民合作防止罪案，得益肯定係街坊。不過，嚟選票嘅誘惑下，馬希鵬驚到發「澄清啟事」。但避重就輕話：「本人嚴正澄清，從沒刻意跟警方合照，網上流傳的照片亦非本人或本辦事處職員拍攝。」

### 重政治輕民生 網民唔賣賬

佢又稱，土瓜灣近日出現一間可疑傳銷公司，有報指，上年有香港仔的長者街坊被名稱相同的傳銷公司騙了數萬元，但就該公司的出現通知警民關係

科，希望警方正視此類傳銷店問題，並在社區進行防騙的宣傳教育。雖然聽落好似為咗街坊，但佢跟住就強調「是次事件，阿鵬承認政治敏感度不足，日後會注意工作方式。」擺明放低咗做正經事嘅原則，向激進派跪地。網民「李加乘」就恥笑馬希鵬「兄弟爬山，搵路落山。」「Sam Pan」都揶揄佢「轉軟放棄『手足』？」「James Bryant」話：「要你响票時，你（市民）未（咪）『手足』囉，當選左（咗）之後出糧果（嗰）個（政府）先係『手足』！」「CL Haru Zhang」見佢嘅所作所為就覺得「果然係『販民』，果（嗰）區居民真係喊三聲。」



馬希鵬聯同警方派發傳單，但事後即與警割席，向激進派跪低。fb截圖